

中國方志叢書・華北地方・第一九七號


據

清・觀祐等修、齊聯芳等纂
同治十二年刊本

影印

河北省

增續長垣縣志



成文出版社有限公司印行




10105927

中華民國五十八年 月壹一版

增續長垣縣志

全一冊



發行人：**黃成助**

出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

增補
續編
卷之
四
目錄
卷之
五

增續長垣縣志序

有表著而民生之觀感興有紀載而時
會之隆替見此志之所以必修而修之
所以必續也長垣爲

畿甸名區康熙庚申始修縣志至嘉慶戊
辰李明府宰是乃繪圖以考其疆域河
道城郭宮室作表以表其沿革封爵選
舉職官建置田賦典禮事紀悉載於書

循政人物烈女舉登於記博採兼收燦
然大備美矣哉道光己酉邑宰葛君雖
畧加增輯類多闕而不全計自戊辰至
今蓋六十餘年矣其間人文之蔚起地
址之變遷忠孝節義之疊生政事興章
之興革黃髮耆耋猶能厯厯道之不爲
修志其曷以傳不爲亟修則老成旣往
後之人雖欲驗

治化之日隆風氣之日上其孰從而攷之同
治辛未 伯相李制軍以通志宜修飭
郡縣各修新志時大名 觀察祝公暨
太守裕公於敷政之餘出其宏通博
雅之學以督率僚屬誘掖其所未逮指
示其所不知明年 祝公去任 恩觀
察繼之其誘掖也益殷其指示也益切
而予適署於匡恭膺是命夫以不敏之

才而又役於簿書之執掌任曷以勝然
官居守土責無可辭且與前後兩
察及大府或誼聯桑梓或素荷垂青
受其薰炙爲最深得其指教爲獨切將
以予爲合屬之倡也其敢不竭勉以圖
耶同邑司教齊君司訓李君悉爲
燕趙名士共理是事又延本邑宿儒碩
彥之長於著述者十數人以襄厥成用

能仿舊法以紀時事遵條例以慎取裁
是使數十年之人物事蹟賴以不墜皆
各 大憲教誨勸勉之功也其使予幸
而不辱上命者兩廣文及邦人士之助
也予何叙焉雖然是志之所係匪輕矣
將使吾民樂於表揚而共知勸勉並使
天下有志之士於是見吏治之日興人
材之日盛得以驗我

通之益昌也則亦予之所深幸也夫
同治十二年歲在癸酉仲夏之月署長
垣縣知縣觀祐序

增續長垣縣志序

孔子曰夏禮吾能言之杞不足徵也殷
禮吾能言之宋不足徵也文獻不足故
也足則吾能徵之矣是知驗教化之盛
衰考政事之得失以及士風民習之醇
薄山川文物之廢興舍文獻蓋莫與屬
也孟子曰晉之乘楚之檮杌魯之春秋
一也則志乘所關豈淺鮮哉長垣縣志

自康熙庚申嘉慶己巳道光己酉一再
重修迄今又二十餘年日月淹久人物
遞遷細目大綱不無缺失若不補苴其
罅漏踵事而增華有志者將何以觀感
而興起乎同治丙寅余承乏斯邑卽欲
纂修之旋調去有志未逮也繼長白觀
君來宰是邦遂興修焉司鐸齊君
李君總其事贊襄者則邑中碩彥也

觀其研精極慮遠紹旁搜典章悉臻美
備鉅細莫不兼該有非小儒俗吏所能
擬議者癸酉中夏余復宰是而志適成
諸君子屬余爲之序余愧無以應也雖
然曷敢以不文辭長垣古衛地也衛多
君子聖人所樂與盤桓今之富庶與教
雖不盡古若其遺風餘烈必有存焉者
若能撫其陳蹟溯厥徽音以求所以敦

本崇實之義化民成俗之規使廢者興
薄者醕未得者欲其得已盛者極其盛
山州昭其奠定風尚馴致休和政教有
大醕而無小疵則文獻之足徵亦邦人
士之幸而余疇昔之志也是爲序

同治十二年歲次癸酉六月上浣長垣
縣知縣姑蘇費瀛撰

敘例

一此志敘例係遵照 上憲頒修 畿輔通志條

故與前志目錄不符

一縣境向無黃河自咸豐五年河決蘭儀之銅瓦廬

垆里入境嗣又兩次西移淹沒村莊甚眾水涸後

村莊多非故處今因續修 畿輔通志 上憲飭查

黃河現在形勢並新舊村莊繪圖立說以備參考

一長垣舊志有書院無考棚同治十年 上憲飭修書院

前縣陳公遵 諭倡捐勸修並於院東創建考棚一所

顏之曰試院繪圖備覽

一自咸豐十一年後捻匪屢擾縣境所有殉難紳民盡節

婦女悉照前縣上呈原稿備爲載入

一節婦烈女凡已經採訪者概爲登錄以示善善從長之意

一此志所載緣 上憲續修 畿輔通志 飭令採訪不無掛漏惟賴後之君子隨時增續以補不及

長垣縣訓導會川李元鵬上書氏謹誌

增續長垣縣志

鑒定

分巡大順廣兵備道兼水利河道祝 培
分巡大順廣兵備道兼水利河道恩 福
大 名 府 知 府裕 長

總修

運同銜署理長垣縣知縣觀 祐
花翎知府用長垣縣知縣費 瀛
纂修

六品銜長垣縣教諭道光己酉科舉人齊聯芳
長垣縣訓導道光丙午科舉人李元鵬

協修

分發江蘇試用巡檢山陰傅成烈
廣平府曲周縣廩生王燮
候選州判山陰吳宗璠
督刊

長垣縣典史沈芝

首事

四川試用同知咸豐戊午科舉人焦恩

咸豐戊午科舉人呂允

咸豐辛酉科舉人曹

廩

膳

生傅